

1874
光緒

二十年六月十八日

吏部官馬存仁詳校

房紹勳
地亦燁校

頭品頂戴福建台灣巡撫臣邵友濂跪

奏為請設分防同知以資控制恭摺仰祈

聖鑒事竊查台北府屬大嵙崁地方在南雅山下宅地與衍環繞
叢岡北距淡水縣治七十里南距新竹縣治一百二十里轄
隸淡水寔為兩縣沿山扼要之區光緒十二年間前撫臣劉
銘傳請派內閣侍讀學士林維源幫辦台北撫壑事務曾以
南雅地方可分一縣奏陳

聖聽在案該處自開辦撫壑以來民番交錯久成市鎮近來茶葉
樟腦萃集於此商賈輻湊生業日煩且地逼隘防又值歷年
用兵之後奸民游匪出沒靡常彈壓稽查在在均關緊要若

照前撫臣原議分設縣缺則糧額並無增益轉多分疆劃界
煩若暫事因循則淡水縣遠附府城又苦鞭長莫及似非府
佐分防不足以資控制節經委員會縣勘覆批飭司道督同

該府核議擬請添分防同知一員管束社番兼捕盜匪作為
冲煩難調要缺名曰台北府分防南雅理番捕盜同知以淡
水新竹兩縣沿山地界歸該同知管轄所有民番詞訟竊盜
賭匪等案准其分別審理拏禁遇有命盜重案就近勘驗通
報自徒罪以上仍送該管縣審擬解勘轄內疏防案件照督
緝例開叅如蒙

俞允應請

003

004



號

光緒 年 月 日

校

飭部鑄頒台北府分防南雅理番捕盜同知關防牌^俾照信守至該
 同知應支廉俸擬請按照基隆同知年支銀八百兩由司給
 領其年額俸銀應照例支銀八十兩並照澎湖分防通判請
 設各^役四十九名年支役食銀三百三兩八錢編入淡水縣
 存留項下動支據藩司唐景崧會同台灣道兼按察使銜顧
 肇熙議詳請奏並聲明勘建衙署募設書吏應由添設之員
 察度辦理等情前來臣覆加查核係為因地制宜起見是否
 有當謹會同閩浙總督臣譚鍾麟恭摺具陳伏乞
 皇上聖鑒飭部議覆施行謹

奏

光緒二十年六月十八日奉

硃批該部議奏欽此

